


CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY

JUN 30 1947

ET 2252.8 / 1738.4



三吳著姓前顧陸後朱張顧尤代有聞人族多錯處  
應天蘇常杭浙間椒聊之衍碩大且繁余家與武陵  
世多姻構顧子翔字壻余從弟士連嘗與之叙門風  
考世系所謂世德作求培而植之者固且深顧子承  
其庭訓請余為其祖碧川先生傳余未獲交碧川何  
以知碧川余既得親碧川子若孫又何不可知碧川  
余女後之歸翔字也歸甯述其舅玄溼寓於同氣老  
年昆季愛敬愉愉苦瘡相關情好相合眠食相戀余

顧碧川先生小傳

三吳著姓前顧陸後朱張顧尤代有聞人族多錯處  
應天蘇常杭浙間椒聊之行碩大且繁余家與武陵  
世多姻媾顧子翔字壻余從弟士連嘗與之叙門風  
考世系所謂世德作求培而植之者固且深顧子承  
其庭訓請余為其祖碧川先生傳余未獲交碧川何  
以知碧川余既得親碧川子若孫又何不可知碧川  
余女侄之歸翔字也歸甯述其舅玄涇寫於同氣老  
年昆季愛敬愉愉苦癢相關情好相合眠食相戀余

不勝羨玄涇復念余兄弟離索之日多而聚首之日少誠宦遊不如家居之樂也而翔宇述玄涇言曰某弱歲孤不及事先人惟先人易箒時遺言曰叔父鳳川往應天未返若當營昭穆墓穴留穆以待鳳川歸予聞之黯然曰是真悉先人之故而繼其志者矣是即可以傳碧川者夫士君子行己立身每有一二事可槩生平務其根本不求之末末表揚者亦當徵其大不求之細嘗論人之大倫有五父生之君成之兄弟夫婦之倫附乎父子而為子<sub>之</sub>推分則殊誼則合聖人

所以讀常棣而嘆父母之順然妻子篤孝道衰惟房間友于薄碧川則以愛其枝葉者護其本根詩曰陟彼岡兮瞻望兄兮又曰死喪之威兄弟孔懷又曰鶴令在原兄弟急難若碧川者得風人之旨矣書曰惟孝友于兄弟施於有政古人所以保釐治平者亦不外此所謂既一二事可槩生平也噫碧川之墓木已拱子若孫述其一節猶足動孝子仁人之感然則碧川之孝友型家而裕後者胥於是乎在余<sub>即</sub>以是傳碧川且以是慰玄涇碧川名元振碧川其字也

翔宇顧先生小傳

元素自入鄉校後論交通國賢士大夫即知有翔宇  
顧先生名士元者與其弟士芳士達為欽授國博少  
湖王先生高弟並以鉅人長德負當世重望時雖未  
及定交然心景仰之矣逮神廟丙午歲當大比邂逅  
白門旅舍見其古貌古心矩言楷行益喜所見勝所  
聞倍加心折雖論齒差十年之長而蒙以幼弟視余  
宛如舊識相勗以道由是吾兩人益歡得無間試畢  
偕歸相與眺望大江弔六朝之煨燼仰盛王之氣象

酌酒賦詩脫帽拊掌忘驢背之苦又恨與先生何相  
見之晚未幾榜素既見發阨先生亦報罷當里門過從  
而先生坦然無少介懷於此識先生度量實過人遠  
甚或謂素曰先生長厚人也樂恬退羞躁進以故在  
成均時公卿貴人爭欲招致之固緊謝勿應泊乎里  
居有御史欲以地方人才薦亦堅却不可人咸謂先  
生性耽山林不知先生固和不流者心蓋以為不  
由其道而得非分之福不若屢試屢蹶甯皓首塲屋  
而以一諸生終老也先生與人交必慎擇賢否雖聲

氣傾方國而契合者無幾惟與張伯起金誠甫鄭道  
夫何穎凡四先生稱同志此四先生者或為理學名  
儒或為風雅正士觀其友即可以知其人素亦何幸  
而得謬廁其列哉今上改元之春素方杜門適楊子  
廷樞過我言及先生病革余驚方擬躬往一視而遽  
報先生已死時正月二十日也問其年五十有七嗚  
呼先生死而吾吳老成人益如晨星之落落已先生  
為人篤於內行嘗言先世自金陵徙吳祖與父俱以  
孝友著惟恐少墜以忝先德故同懷兄弟多至六人

皆聚族而居姜被田荆無分爾我所以閨房妯娌悉  
熏其德而泯勃谿詬誶之風雖國初義門鄭氏何以  
加茲家道素豐克用之以禮凡力所能為者無不委  
曲周旋如吳中壽甯古剎殿宇圯毀高僧恒持性融  
謀諸先生立解囊相助邑人王君鼎隆撰文勒寺中  
他如急朋友之難拯道路之窮蓋有知之無不為為  
之無不力者斯固由於得資秉之良亦兼由獲師友  
之助故能成就卓卓若此惜乎其不得展之廟堂而  
僅用之鄉曲也昔歐陽子作五代史而作一行傳每

一唱三嘆於鄭遨張薦明等今顧先生非其倫歟素  
夙承先生知厚且近與其子國本交見其好學能文  
綽有父風喜先生之有子也故為追叙曩情併目見  
耳聞者以備纂修郡邑志者所採

天啟元年辛酉孟冬陳元素撰



長洲縣志孝義傳

顧國本字君甯庠生幼喪母哀毀如成人父病亟祝  
求身代父夢吞神藥而愈友人竊賣其千金產不責  
償并隱其事

附載

縣志澹園在白鶴觀東顧君甯居有凝碧春華聽  
濤鶴汀諸勝泉石位置出陳繼儒手徑甃瓦引繞  
徑植花世遂稱瓦引街顧氏

秋日同王德操劉元聲孟瞻及王仲甯仲二

弟集君甯澹園作放歌行

吳安國

挺菴

煙光霧靄秋香濕澹園幽僻穿雲入花徑紆回曲  
 曲通竒峯峭削雙雙立中懸小閣疑鑿空振衣排  
 檻披冷風松聲萬壑湧波浪桐陰十畝垂鴻濛虛  
 廊尚映紫薇色繞院漏傲黃花叢此日秋深氣何  
 暖參差碧巘丹霞滿東閣芳姿淡欲舒南昌艷藥  
 繁於蓼時梅花吐一枝海棠多放銅盤吐蠟浮巨觥壁月未上  
 踈星橫王君自是牆東客麴生一對先微醒二劉  
 翩翩盡文雅興酣一吸如長鯨我老顧笑叔與季

不飲何以陪公榮主人舊擅東吳彥名園偃臥園

書絢縱橫鄰下鬪新篇

君甯出示園亭唱和詩

繾綣卹厨薦

華饌共攜麈尾恣雄談卻憐蝸角空交戰

偶感不時事

怕紅燈促曙光任他玉漏傳更箭

過顧君甯澹園

范允臨

長倩

綠陰深處竹扉斜繞徑名花顧况家君自種花兼  
 釀酒客來攜酒共看花澄輝夜散千林月疊錦晴  
 舒半壁霞一任門前車轍滿不妨高卧送年華

過顧君甯澹園偶接手談盡展名蹟為賦四

韻

文震亨 啟美

有約親勞折簡餘便尋花徑到精廬楸枰坐對幽  
人隱絹素家藏太史書直許啣杯蘿月上不妨解  
帶柳風疎立亭間字甯辭數寂寞楊雲只晏如

寫喬松疊嶂圖壽君內姪六十

劉 峴 孟膽

千重翠巘百重泉從此幽人卜澗漚為寫辟疆園  
裏客大夫落落倚青天

題君甯小影

怡然天游者子之宇泰澄然淵湛者子之神守履  
煩劇而不櫻知子之息深躬勞瘁而致一知子之  
衛豫煦兮和矩兮秋迎眸而兩行者知子之衡氣  
凝水自流花自落落寓意而不知意者知子之寄趣  
遠所以荷薪而高其閑詒燕而厚其址雖然林壑  
者曠懷之一枝也風光者觀化之吹息也鯢子者  
知子假息之暫耳一旦奮翼騰而翔忽荒雖予惡  
得而知之

崇正癸酉秋杪通家友王鼎隆書

君甯顧君墓誌銘

丁亥正月長洲顧君甯之歿也余往哭之越二年已  
丑諸孤卜葬於邑之宋王浜持狀乞銘於余余土木  
餘生也以棄筆墨辭之再不可復思顧君篤行君子  
也予屬潘楊之好又知交最深懿德弗彰後死者責  
也勉為序而銘之君諱國本字子輝號君甯其高祖  
諱鵬自應天徙長洲之碧鳳坊生二子長曰碧川次  
曰鳳川相友愛後鳳川返應天碧川望其歸尋病及  
卒命營昭穆墓穴虛穆以待弟歸碧川諱元振君曾

祖也祖諱高考諱士元太學生妣吳孺人早卒君年甫十二哀毀儼如成人事繼母袁孺人稱孝無間言父疾嘗湯藥惟謹衣不解帶疾亟醫者縮手籲天乞以身代父夢神授以藥吞之病遂瘳人謂君之孝感既壯補長洲縣學生後入國學試輒冠其儕讀書務博綜詩文莊重典則更統逸致持身謹嚴雖燕閒言笑無惰容門內井井有法課諸子不少寬假與人交重氣誼臨財好施友人竊賣其千金產者不責償其人愧悔解慰以釋之卒隱其事親鄙貧乏周之無倦

當歲歉常為粥以食餓者故桑梓賴之鄉里有爭君以片言解紛無不心服其信義孚於鄉里如此平生負經濟才當事有所諮詢必洞剖利害言之疊疊屢踏省門不遇有權貴慕其才欲羅之匿不見也家多蓄古書法帖性耽山水嘗築小園於舍旁顏曰澹國有凝碧亭春花館聽濤鶴汀諸勝甃瓦井為徑繞植名花卉時與范長倩陳仲醇鄭士敬輩詩酒往來無間予嘗謂曰仁者樂山智者樂水君殆兼之矣亡何流寇猖狂忽聞警變將所著詩文盡焚之閉門絕客

足不窺園柳鬱以卒嗚呼可哀也矣享年六十有一  
配湯孺人前君二十三年卒丈夫子五長端次竑俱  
長洲縣學生負次竣吳縣學生負嗣從父德本後次  
次竑次翊竑余壻也女三一適常州生負許仁溫一  
適毛若水一適生負鄭之銓孫男二淑濬銘曰  
德惟庸行無咎鍾山苗裔吳中遺考有書數椽有園  
數畝徜徉風月跌宕文酒滄桑沈陸嗟遭陽九歲己  
丑君子歿君於虎邱阜銘辭無諛堪不朽

郡人盛王贊撰并書

### 鄭桐菴交游籍

顧子輝名國本少同筆硯為人莊重有體文亦如之  
年三十二遊庠後入太學事親能竭其誠交友能篤  
於義蓋善士也亂後憂憊而死余為祭文哀之子五  
端竑與余子鑑銓同入津提學道宗敷一號覆霄竣亦有聲庠  
序時或同第竑詣余齋聽講翁季女為銓兒婦長  
君端字貞吉其女又為銓子巖忠孫婦子輝本舊文  
而締姻者雖書於此而應錄張倚公後

祭太學顧親家文

嗚呼流氛不靖兵燹用熾馬阮鵠張賢良是忤人生  
其間固不以死為榮以生為詈於惟親翁坎止流行  
貧夫死利烈士死名翁受正命反袂真樞邈翁之生  
挺資松柏敦睦姍和德音貺貺薄言採芹肅肅在宮  
觀光上國園橋辟雍輕衣緩帶禮樂之容事親曰孝孝  
感神鬼乃至伯叔分憂共喜孝標嫁妹慰考及妣咸  
曰翁仁置腹推心夏日行陽冬日行陰甯人負我無  
我負人咸曰翁義賑貧錫匱家人嗚嗚惟恩克濟內

直外方為德之制奢不踰閑儉不為體行疾視端謂  
翁知禮知微知彰不求不忤斷在幾先謂翁神智言  
必由衷質劑無釁一諾三軍謂翁有信嗚呼翁之生  
也神廟之初既富而壽五福所居燕山丹桂慶留其  
餘翁之歿也適丁亂離天旋地轉又見雍熙翁乘白  
雲帝鄉委蛇某夙忝衿契頻造君廬竹本花石有潔  
其餘茶鐺酒臼其樂于于今行其庭黯然傷神兔葵  
燕麥道有芾榛呼之弗出風雨晦冥呼鳴與翁久要  
一體忘形旦旦盟誓重以婚姻兒漸玉潤幸附冰清

余也速負曠野虎兕有醜視息胡不遄死余死未先  
翁遠罹此臨文一慟哀哉如燬年姻家世弟鄭敷教  
拜撰



文學貞吉顧先生墓誌銘

今皇帝四十有三載勗以給假歸里適吳縣學生顧君  
濡卜葬其考貞吉先生於錢涇之盤字圩特排纘事  
實踵予門乞銘勗承乏史官且與顧氏世好其何敢  
辭謹案先生諱端字藝先貞吉其別號也籍系金陵  
先世有諱鵬者始來姑蘇遂家焉曾祖諱高祖諱士  
元俱上舍生父諱國本長洲縣學生即士林所稱貞  
孝先生生五子先生其長也先生少穎慧讀書一目  
數行年九歲居母夫人滿氏之喪哀毀如成人宗黨

異之許為遠大之器及冠能文章敦氣節學使者凌  
霄宗公敷一校士吳中稱廉明拔冠多士輿論允服  
聲譽隆隆起願結納者方傾國而先生自視歛然也  
先是婁東張公天如偕海虞顧公麟士吾吳楊公維  
斗鄭公士敬倡道東南創興復社領袖諸正人四方  
學者皆以得入社為榮而先生以晚學後進掉鞅其  
間諸公咸推重之自是顧端之名益籍籍大江南北  
矣无何明社既遷江左苟延馬阮猖獗賊士類貞  
孝先生鬱鬱以終楊鄭諸君子或蹈鋒刃或採薇薇

先生佗傑無聊忽忽若狂遠感心疾於是棄諸生籍  
放浪形骸不與人間事逮

天  
天兵南下海宇蕩平魑魅潛士鉤黨之獄頓釋一時正  
人賢士如解倒懸智能豪俊爭先自効於功名而

聖  
聖朝寬大凡逸民遺老皆優游歲月以全其志先生病  
廢杜門縱情詩酒適得其心之所安也已先生自得  
疾後屏除一切維繙閱內典編參知識嘗手書經卷  
裝潢成帙一時名衲題偈讚美勗少時曾見之卷後  
跋語不下百餘人皆海內高人名士之筆洵鉅觀也

先生賦性慷慨見義必為如文信國公祠旁屋及隙地為土豪所踞先生力恢復之槩菴志公至華山法席時值歲稔先生偕仙歿鄭先生募月米以給之至今北山緇衆猶知兩姓為金湯凡有此類不可枚舉以故卒之日老成人俱失聲悼嘆惜其以長德美才而抱沉痾以死也先生<sup>於</sup>生有明萬歷四十五年八月十二日卒於

大

清順治十六年三月初一日年僅四十有三娶張孺人明貢士禮椿公孫女上舍生元敷公諱邦教之女

有婦德勤於治家後先生廿八年而卒合葬於先生之墓子男二潘吳縣學生漢郡學生女四人一適金林一適生員許鸞昭一適國學生鄭巖忠一適生員王徐塾孫男七人孫女一人銘曰  
惟仁者必有壽何顧君年不久慨松柏儕蒲柳天茫茫不可叩歿吾甯復奚咎植根深生枝茂不於身必於後錢之涇土成阜山崇隆水清澗魂魄安幽宮厚視吾銘識君守石雖泐名弗朽  
康熙甲申十一月同里史官馮勗撰并書

皇清誥贈通奉大夫福建等處承宣布政使司布政使

前明文學顧公神道碑

公諱端字藝先別字貞吉籍自金陵徙吳先世有諱  
鵬者居吳始祖也曾祖諱高祖諱士元皆上舍生以  
讀書世其家考諱國本貞生祗行勵節士林私謚貞  
孝先生者也公以諸生當明季哀亂避跡邱園縱酒  
自放遂忽忽成疾蓋公之考謚貞孝而公自號亦曰  
貞公之能繼父志可知矣逮我

朝定鼎

王化積深一道同風山陬海澨喜復見天日同時交游  
卓卓克自樹立者或膺朝薦或起鄉賓拜颺

明廷馳驅

皇路爭自表見而公已得狂疾以詩酒終其身不能復出

其才以有為於時可不惜哉然身後之榮踰於尋常  
雍正九年孫濟美仕浙江紹興知府追孝其先人

朝命寵錫贈中憲大夫如其孫之官雍正十三年晉贈

中憲大夫浙江監驛道乾隆十六年晉贈通奉大夫  
福建布政使司布政使孫捷為浦城令時亦得馳贈

以例不重封不請然

恩綸重疊優渥已至天之報施善人不於其身必於子

孫洵不爽也是亦可無憾矣已公少穎悟讀書寓目輒

成誦又至性過人九歲喪母哀毀如成人見者異之

比長補長洲縣博士弟子負學使者宗公器焉期以

遠大試輒冠其儕蜚聲黌序雖未策名清時展其經

經濟而文章學問見推於藝林者已有素也初吳中

創復社聲氣與朝士相呼吸公頡頏其間不立異以

沽名不樹黨以賈禍葢光歛顰人服其德重其品以

為同社之望焉於人無所爭然見義必為不屑詭隨  
蘇郡文信國祠房地為豪右所占公力恢復之其慨  
然任事類如此至施予之際常急人之難而忘己之  
負遠近賴公舉火者以數計鄉里稱長者性不喜釋  
衣及得疾以後自廢於時悵快無聊乃託而逃於禪  
與緇人還往常手書經典若干卷楷法精善高人名  
士皆有題識至今珍藏壽甯禪寺公生於萬歷四十  
五年八月十二日卒於順治十六年三月初一日年  
四十有三以孫貴疊膺

朝

贈張太夫人生於萬歷四十三年二月初十日卒於

康熙二十六年六月十一日累贈恭人晉贈夫人有  
婦德勤於治家公初卒幼孤家產為人侵奪太夫人  
以笮子之身備嘗艱苦無較量絕技求後公二十八  
年而卒年七十三康熙四十三年十一月二十四日  
合葬於長洲縣西十三都十一畝盤字圩西錢涇之  
原前輩馮先生勛銘其墓子二人潘吳縣學生遷郡  
學生女四人適士族孫男七人女一人曾孫男女共  
二十九人元孫男女共二十人考忝姻戚與公之孫

俱相善乾隆二十三年秋中書君健介予弟都致書  
幣并錄馮先生文乞余撰碑立石於神道不敢以不  
文辭爰据墓碣而為之詞銘曰  
惟公厥考冰蘖勵操公善繼之觀公自號惜哉公才  
自廢以摧天之報施奕世昌哉配有淑德亦彰於族  
成公之行寂居並築丸丸松栢秀鬱岡陵吾銘以實  
後世是徵

賜

博學鴻詞出身通議大夫山東按察使司按察使前  
監察御史翰林院編修庶吉士姻後學沈廷芳拜撰

顧母張氏人六十壽序

吾吳故多世家巨室四姓舊目張與顧為盛余曩得  
交於元敷張君方君甯顧公時方盛明兩公席先世之  
豐豫讀書行德敦厚和平延師取友有聲蠻序間既  
而遊辟雖論方國時號名流人稱長者兩家故以封  
靡相戒禮讓相先男唯女俞男鞏帶女鞏絲門地相  
當遂申秦晉之約元敷公長女作配貞吉親翁君甯  
公有五子貞吉其一索而得者也張自唐之曲江宗  
之鄙伯代著文人元敷名位弗如而宗風未替以克

恭克儉為立身之本孺人為女時漸於其教執麻枲  
治絲繭織絰組紉以共衣服觀於祭祀納酒漿籩豆  
菹醢禮相助奠內則女誠識夙所嫻習及笄而字修行  
婦道佐餼饋食夙夜劬心宗黨稱其孝也貞吉文行  
既優出入鄉校孺人篝燈紡績交徹雞鳴以發夫子  
之聲聞貞吉素不問家人生產誦讀之餘嘯詠壺觴  
以自遣興其自祭祀賓客俯仰緩急未監凌雜之細  
悉操於中饋逮後得心疾益復弗屑一切惟以酒自  
放視塵凡不可頃刻居忽如中山千日之醉撒手脩

然赴名玉樓矣自此而賦稅出內嫁娶婚喪並集於  
熒熒之一身膏梁世澤浸以式微旁觀局外無不為  
孺人憂憊不勝惟孺人絕技求忘較量顛顛豐盈之  
感不經於心枝撐於冰雪風霜之下而松栢之貞與  
桃李並茂甲寅仲春稱六十觴二丈夫子蜚英振藻  
流聲泮水北堂護草階下荆花是母是子知天地之  
無私為人心所共願斯時也子婦上酒前拜後孺弱  
女亞傭鞞臂曲鄰叙天倫之樂事欣松竹之長春昔  
謝太傅奉長嫂如慈母率妻子朝夕供事羊叔子孝



事伯母經理其家禮舅姑既歿介婦每事請於冢婦  
毋敢敵耦孺人為長嫂為冢婦諸叔妯娌率子婦洗  
爵以進而門內之和樂可知也其為賢似同學垂髮  
齊年而闔門負牆旅拜而獻酬者皆國之僑民鄉之  
善士也斯亦足以為介壽之榮矣余三兒之銓為君  
甯公館甥而貞吉之女又余孫巖忠之婦也孫婦歸  
吾門半畝之宮孺素相守而從不聞謦咳喜愠之聲  
即孺人之母教可知矣昔柳冲論姻婭謂尚冠冕者  
略伉儷慕榮華尚貴戚者徇勢利亡禮教若余與元

敷公附絲蘿於武陵如孺人者婦德既全報以介福  
族黨之所共羨其庶乎為柳公所稱頌也哉時  
龍飛康熙歲次甲寅仲春穀旦姻世家弟鄭敷教頓  
首拜撰

附載

題西池王母圖祝願母張太夫人壽

春光灑灑中和節春日遲遲鳥聲悅聞道瓊林散  
舞衣剪刀催花花信捷驀然椿葉隱朝暉北堂有  
種皆葳蕤芳華餘蔭辭冰雪落梅依舊歲寒枝梅

有實兮何葱鬱素質飄飄仙與佛西望瑤池紫氣  
重千樹萬樹桃花色樓臺如日殿如晶鳳凰若金  
鶴若銀碧桃為垣麟為脯芟為衣蘭為紉上階  
洗壘爵下階解文籥為過瓊漿與沆瀣百年進酒  
顏如昨

桐菴鄭敷教

錦堂銀燭艷瓊瑜王母西來獻壽卮識是清門歌  
燕喜丸熊曾訓就佳兒

茹荼集蓼幾星霜阿母今朝是未亡紅錦屏開滿  
珠玉也知巾幗勝冠裳

武陵壺範著三吳鶴髮貞操一丈夫不藉仙籌添  
幾許耄期比得令名無  
僻居山野滯登堂遙望西池水一方天上未經幾  
歲月世間忽已閱滄桑

侯齋徐枋

江南通志孝義傳

顧潘字方水吳縣諸生幼孤家貧力自節縮以供母  
甘旨母喪哀毀幾不欲生三年未嘗見齒亦不離几  
筵撫其弟幼則勸之學長則授之室老而負也則割  
產以資其養凡親族之嫁娶婚喪不能集事者則隨  
其踈戚而飲助之鄉里推為長德卒後張雲章為之  
立傳

蘇州府人物志

顧潘字方水吳縣諸生幼孤家貧力自節縮以供母

甘旨居喪哀毀三年未嘗見齒亦不離几筵撫其弟  
幼則勸之學長則授之室老而貧也割產以資其養  
凡親族之嫁娶喪有<sup>婚</sup>不克集事者隨其踈戚而飲助  
之卒後張雲章為之傳

### 顧文學傳

文學姓顧氏名濡字方水吳郡其世居也吳中四大  
姓顧處其一雖轉徙不常各以所居坊巷名自孫吳  
以來千有五百餘年其譜系皆可考而知也君所居  
號瓦引街顧氏父端長洲縣諸生遭時多故憂憤成  
疾縱酒而卒君年十三能奉其母以自立年二十補  
吳縣學生家居養志不亟進取嘗不<sup>一</sup>二應秋試登鍾  
山眺大江飲酒賦詩而已後遂不復往初母夫人尸  
糞君奮日糞殮之事豈可以累吾母力自節縮以致

贏餘甘旨乃備母既年老常忽忽不樂君侍側不去  
必多方慰解之親悅乃退居喪未嘗見齒三年內非  
有大故不離几筵弟妹婚嫁必竭力如禮而止與弟  
析產必自取其薄者晚更以己田數十畝與弟為養  
老資親族中嫁娶喪葬貧不能舉行者出財以助成  
之孝父下縣獄傾貲救出之反生顛顛心加以惡聲  
君處之恬然晚歲乃隱於酒搆一小園中有墨池遂  
以名其園與客酣飲其中以為樂年六十而病自知  
不可療擇期以瞑不爽晷刻妻吳氏孺人子四人邦

楸朝楹濟美棟皆側室黃氏出求余為之傳者棟也  
樸村子曰以余遍觀之士大夫間其不能無遺行者  
多矣如君者乃完粹無可訾者也使其遇范蔚宗列  
之逸民傳甯不足垂範千秋哉惜乎余雖欲表揚而  
力不足也聊次第其梗概以俟焉

嘉定樸村老人張雲章拜藁

顧公小傳

公諱濡字方水世居吳郡碧鳳坊祖諱國本徙白塔巷甃瓦引為徑繞徑植名花卉世遂稱瓦引街顧氏是也顧氏自孫吳至今千五百年為吳郡大姓其族不一各以所居坊巷名瓦引街其最著者也父諱端長洲縣學生員遭時多故憂鬱成疾以詩酒終其身公年甫十三伶仃孤露能自立以迄有成年二十餘補吳縣學生篤於孝思淡於榮進喟然曰學者以治生為急吾可饗殮貽老母憂予常節嗇以致贏餘而

晨昏甘旨必極腆弟妹婚嫁必盡禮弟有分輒讓處  
其薄族黨咸稱其孝友女兄之子金某夭其婦不得  
於舅絕粒將殉焉公授廛以居復析產贍之以全其  
節季父下縣獄公竭力營救幾被禍及出覬覦公貲  
加以惡聲公處之恬然其敦倫急難皆此類至今親  
戚以逮僕隸言及公猶有隕涕者蓋公之歿已十七  
年矣晚年築園於所居之東顏曰墨池觴詠自隨意  
度灑如也年六十以疾卒其子捷述公之大略如此  
嗚呼聖賢之道不越日用藝倫而每謂世人之所難

為

今上御極詔求孝廉方正之士有司卒未有以應命如  
公者可多得哉配吳孺人側室黃氏孺人生四子長  
邦祿次朝楹次濟美次捷

雍正元年仲冬同里後學蕭龍江撰

先府君行狀

高祖諱高字玄涇高祖妣高氏繼高祖妣黃氏王氏  
曾祖諱士元字翔字明太學生曾祖妣吳氏繼曾祖  
妣袁氏祖諱國本字子輝號君甯明長洲縣學生員  
貢入太學學者稱貞孝先生祖妣湯氏父諱端字藝  
先號貞吉明長洲縣學生員妣張氏府君諱潘字方  
水先世自應天徙蘇州家郡城之碧鳳坊至君甯公  
遷白塔巷築園於舍旁甃瓦引為徑繞徑植花故號  
瓦引街顧氏府君年十三遭貞吉公之變時內爨外



悔踵至府君晝則<sup>奔走</sup>搢搢夜則與弟文潯公篝燈讀書  
無寒暑間遂補吳縣生員文潯公亦旋補府庠生府  
君篤於孝思淡於營進赴鄉闈策蹇載酒登鍾山望  
大江賦詩弔古而已以張太恭人春秋高乃命吾母  
勤治生以厚其養稍不樂則委曲慰解俟開顏而後  
退及棄養笑不至矧無故不離几筵三年如一日也  
府君篤昆弟之誼析產則讓其厚者<sup>空</sup>乏則周之諸  
姪之延師締姻則悉力任之及其老也則授田數十  
畝以贍養之故府君屬纊後叔父哭之慟絕而後蘇

者至再諸姑之嫁皆府君主辦咸禮周而情至焉長  
姑之子金燦若夭其婦不得於舅欲絕粒以殉府君  
命吾母往勸慰復為之築室置產俾得有賴以全其  
節諸父某以逋糧下縣獄府君傾貲竭力救出之後  
反以顛顛加惡聲府君亦不計也至親族之不能嫁  
娶喪葬者出財遂之不可以一二計宗黨大事恒質  
諸府君有競為人後者久之未決府君援禮定之凡  
弟爭產者以府君曉譬卽相讓為祭田和好如初與  
朋友交必以忠信有借貸而逋者未嘗責償焉性仁

愛雖下至臧獲不輕譴責至今語府君者猶泣數行  
下也府君年三十七始舉長兄邦祿課之嚴所迎師  
必以名宿晚年於所居之東闢地疏泉疊石以為園  
顏曰墨池親故輒相與置酒拈韻或投壺博奕為樂  
生平明事理周知官私利病急公好義嚴取予重然  
諾成人之美雖得於學問亦天性然也府君生於順  
治四年丁亥六月初六日亥時享年六十卒於康熙  
四十五年丙戌九月初六日亥時享年六十府君以  
六月病噎至九月而劇卒之日神識不亂言不及私

恩

時健甫四歲也越十有三年歲在戊戌十二月初五  
日丑時葬於吳縣二十一都八番甲陽字圩北竺塢  
新阡三子濟美現官紹興府知府例得邀  
贈如其官吾母吳恭人明宮保吏部尚書文端公裔  
孫女崇正己卯科舉人鴻儒公孫女文學振先公女  
吾生母黃恭人明給事中叔揚公裔孫女湖廣武昌  
府教授君任公曾孫女處士蜚伯公女男子四人長  
邦祿娶王氏次朝楹娶孟氏次濟美娶陸氏幼健娶何  
氏女子一人適申世襲孫男六人文炳娶申氏非虎

邦祿出 近光載光 濟美出 延年三珠 楫出俱幼未聘

孫女九人邦祿出者三一適陳基培朝楹出者一濟

美出者四一許唐翰楫出者一多幼未許字府君棄

諸孤早 楫 不及習知嘉言懿行惟得於族黨所述者

什伯之一二爾謹狀

雍正六年正月第四子楫百拜述

姻眷弟何燧頓首拜填諱

邦探出 近光 光 濟美出 延年 三 樵 樵出 供幼 未聘

孫女九人 邦探出者三一 適陳 葵培 朝樵出者一 濟

美出者四 一許 唐翰 樵出者一 多幼 未許 字府 君 棄

諸孤 早 樵 不及 習 知 嘉言 懿行 惟得 於族 黨所述 者

什伯之一 二 兩 謹狀

雍正六年正月第四子 樵 百拜 述

姻 奉 弟 何 燧 頓 首 拜 填 諱

